



Publicaziuns dalla vischnaunca, jamna 32

Damonda da baghegiar

Nr. 2010-1040

Datum da publicaziun: Ils 13 d'uoost 2010

Il patrun: Meinrad Deflorin-Lutz, Gassa da Cuoz 23, 7186 Segnas

Il representant: Meinrad Deflorin-Lutz, Gassa da Cuoz 23, 7186 Segnas

Object: Slargar ed adattar igl access tiel mises, emplenida da material, parcelas 2955 e 3012, Plaun Menisch, 7180 Disentis/Mustér

Ils plans da construcziun ein deponi tier l'administraziun communal. L'investa publica cuoza 20 dis dapi il datum dalla publicaziun.

Eventualas protestas encunter sura damonda da baghegiar ein d'inoltrar a scret enteifer 20 dis alla istanza da baghegiar, caum postal 57, 7180 Disentis/Mustér. La protesta sto esser motivada e sut-tascretta dil recurrent ni da siu representant.

Disentis/Mustér, ils 6-8-2010

Uffeci da baghegiar Disentis/Mustér

Lubientscha da baghegiar

L'istanza da baghegiar ha concediu suandonta lubientscha da baghegiar:

Nr. 2010-1035

Ivo e Denise Monn-Bundi, Via Denterpraus 9, 7186 Segnas; construcziun d'ina garascha nova, ed engondaziun dalla casa, parcella 407, Via Denterpraus 9, 7186 Segnas.

Quella lubientscha sa vegnir contestada enteifer 30 dis dapi la publicaziun el Fegl official dalla Surselva tier la Dertgira administrativa dil cantun Grischun.

Disentis/Mustér, ils 10-8-2010

Uffeci da baghegiar Disentis/Mustér

Svaris en la collaboraziun turistica

Repetidamein havein nus informau Vus che la vischnaunca sappi beinduras buca s'accordar cun la posiziun e la strategia dallas Pendicularas Mustér SA. Quei pertucca p. ex. l'organisaziun turistica. Ils 26 da fevrer 2010 ei il cussegl da vischnaunca s'exprimius claramein encunter ina separaziun da SMT. Las Pendicularas Mustér SA perencunter s'engaschan fermamein per ina via separada. Nus essan persquadi, ch'ina isolaziun ei nossa perdiziun, tonpli che nus essan e lein restar in center regional.

Sin fundament dall'iniziativa da sparter SMT eis ei vegniu instradau in project per ina reponderaziun dallas structures cun la mira d'analisar la situaziun actuala e da tscherchar pusseivladads d'optimar.

Ina gruppa, che secumpona da representants da SMT, dallas duas vischnauncas, da Gastro Mustér e Medel e Sedrun, dall'Uniun da commerci e dallas duas pendicularas han giu pliras sedutas. Ins tscherca ina sligiazion communabla.

Ils 30 d'uoost 2010 ha liug ina meisa rodonda, nua ch'ins emprova d'anflar ina posiziun communabla per Mustér. Davart dalla vischnaunca essan nus dall'opiniun, ch'ins stoppi mantener l'organisaziun Sedrun Mustér Turissem (cun far adattaziuns e promover la collaboraziun Mustér-Sedrun-Andermatt); quei conform alla resoluziun dil cussegl da vischnaunca. Meinis divergents dat ei era concernent ils stabiliments d'ennevar.



Las autoritads communalas ein dil meini che la vischnaunca seigi stada generusa cun enzonar in sulom da 9000 m² e cun ina valeta da rodund 3 milliuns francs al Crest d'Acletta; quei sco favur speciala aposta per ils indrezs da far neiv. Nus havein eligiù quella via, damai che las finanzas communalas lubeschjan buca ina contribuziun en daners. Cun quella argumentaziun ha la cuminonza dils votants approbau ils 30 da november 2008 la planisaziun locala. Las Pendicularas ein denton dil meini, ch'ei seigi primarmein caussa dalla vischnaunca da procurar per stabiliments d'ennevar.

Il cussegl da vischnaunca ei plinavon dil meini ch'ei drovi ina collaboraziun cun Tujetsch. En sia resoluziun dils 26 da fevrer 2010 ha el declarau ch'ins «speri fermamein ch'ei reusseschi d'anflar ina megliera collaboraziun denter las pendicularas da Mustér e Sedrun e ch'ei detti beingleiti in bigliet communabel. Quei ei in vegl postulat, aschibein dalla populaziun sco dils hosps». El medem mument ha el incaricau la suprastanza communal da s'engaschar per la realisaziun da quei vegl desideri sco era per ina buna collaboraziun regiunala sin tuts secturs. Era per quels giavischs han las Pendicularas negina capientscha.

Meinis divergents havein nus plinavon concernent ils interessents per igl areal Acla da Fontauna. Nus essan gia dapi treis onns en stretg contact cun quella gruppa, ch'ha dil reminent investau en quei project in miez milliun francs. Ei exista bunas speronzas, ch'ei detti ina sligaziun.

Entras quellas posziuns divergentas sa ei dar conflicts d'interess. La collaboraziun el cussegl d'administraziun dallas Pendicularas ei sut las circumstanzas actualas ina grevezia e porta negins avantatgs alla vischnaunca. Perquei ei la suprastanza communal dil meini, ch'ei seigi meglier da desister ad interim sin quella appartenenza ed ha perquei decidiu:

1. Die Gemeinde Disentis/Mustér verzichtet im Augenblick auf ihr Recht zur Einsitznahme in den Verwaltungsrat der Bergbahnen Disentis AG, weil die unterschiedlichen Strategien und Absichten zu Interessenskonflikten führen können.

2. Gleichzeitig bekräftigt der Gemeindevorstand seinen festen Willen zu einer fairen und konstruktiven Zusammenarbeit mit den Bergbahnen Disentis AG.

Conform a quella decisiun ei il president communal extras ils 22 da fenadur 2010 dil cussegl d'administraziun. Quella decisiun ha negina influenza sin la collaboraziun sin palancau operativ. Quella ei buna e vegn mantenida.

Casa da tgira Sursassiala

Provisori

L'engrondaziun dalla Casa da tgira a Mustér sa finalmein vegnir realisada. Il cussegl da fundaziun ha eligiù il project ed incaricau il biro d'architectura Aschwanden Schürer (il victur dalla concorrenza) cun l'execuziun dall'ovra. Tenor quei niev concept eis ei necessari da dislocar igl entir menaschi duront la fasa intensiva da baghegiar (atun 2011 entochen stad 2013). La cumissiun da baghegiar ha intercuret in tschuppel variantas. Denter auter eis ei semussau, ch'in baghetg provisorio sper la casa per vendita veglia custass varga 4,4 milliuns francs. La realisaziun dall'engrondaziun fust cheutras praticamein buca realisabla (finanziabla). Perquei han ins denter auter era mirau, schebein il Hotel Baur (che ha actualmein ina mudesta frequenza) fussi evt. adattaus sco dimora provisorio. Ei setracta da pliras variantas. Quella idea vegn cumbatida cun tutta vehemenza dil cussegl d'administraziun dallas Pendicularas Mustér SA. Per la cumissiun da baghegiar e per la suprastanza communal ei quella reacziun nuncapeivla, pertgei ch'igl effect negativ per il turissem fust minim.

Las autoritads responsablas tschercan vinavon bunas sligaziuns. En discussiun stattan vinavon pliras opziuns, che vegnan examinadas da rudien. Il Hotel Baur fust la pli adattada, damai ch'igl entir menaschi sesanfluss sut in tetg. Ils responsabels ein dalla ferma perschuasiun che nos attempai meret in undreivel suttetg. Els han la preferenza avon interess privats da fatschenta. Perquei vegnin nus a s'engaschar vinavon per nossa populaziun ed en special per nos attempai.

Suprastanza communal



**Controlla da habitonts
Mortori**

Leo Giusep Caminada-Schütz, naschius ils 20-3-1950, morts ils 7-8-2010.

**Vischinadi Funs/Clavaniev
Invitaziun ad ina radunonza extraordinaria
Propostas per in genau ni in genau**

Mesjamna, ils 18 d'ust 2010 allas 20.15 el hotel Cucagna.

Tractandas:

1. Beinvegni
2. Proposta per in(a) candidat(a) genau(a)
3. Varia

Cordialmein envida
la suprastonza

15 onns Casa da tgira Sursassiala

Invitaziun alla **fiasta da giubileum da 15 onns dumengia, ils 15 d'ust 2010 en Casa da tgira a Mustér**

Entschatta allas 10.30 cun aperitiv, silsunter pusseivladad da gentar.
Naven dallas 13.00 giugs per famiglias e star da cumpignia, giuven ed attempau.

Cordialmein envidan
cussadentas e cussadents sco era collaboraturas e collaboraturs dalla Casa da tgira Sursassiala

Swiss Mobiliar cup d'unihoc 32. final

Dumengia, ils 15 d'ust 2010 allas 15.00 el center da sport e cultura

Desertina Bulls (damas 2. ligia) – UHC Schaan (damas 1. ligia)

Societad da tir Desertina: Tir obligatori 2010

Davosa pusseivladad da sittar il tir obligatori dumengia, ils 22 d'ust 2010 dallas 17.30–19.00.

Il tir obligatori ha liug a Sedrun la resgia.

La suprastonza



SVKT Uniun da gymnastica da dunnas Mustér

Las vacanzas ein finidas! Nossa gymnastica entscheiva puspei sco suandont:

Bal da reit

Entschatta gliendisdis, ils 16 d'uost allas **19.30 uras** el center da sport.

Gimnastica da dunnas/gimnastica da dunnas 50+

Entschatta gievgia, ils 2 da settember allas **20.00 uras** el center da sport.

Cordialmein envidein nus tuttas commembras.

Tgi enonuscha aunc buca noss'union? Sche Ti has tschaffen dalla gymnastica ni forsa dil bal da reit – lu neu e fai ina viseta nunligionta tier nus!

Per la suprastanza:

Brida Mastroianni, 081 947 64 80

SVKT-Frauensportverein Disentis

Die Ferien sind vorbei! Unsere Turnstunden beginnen wieder wie folgt:

Netzball

Beginn Montag, 18. August, um **19.30 Uhr** im Sportzentrum.

Frauengymnastik/Frauengymnastik 50+

Beginn Donnerstag, 2. September, um **20.00 Uhr** im Sportzentrum.

Herzlich laden wir alle unsere Mitglieder ein.

Wer kennt unseren Verein noch nicht? Wenn dich die Gymnastik, oder vielleicht das Netzballspiel interessiert – dann mach doch einen unverbindlichen Besuch bei uns!

Für den Vorstand:

Brida Mastroianni, 081 947 64 80

Colonna d'agid Mustér

Cuors da reiver per affons a Lai Alv

Las fotografias dils cuors da reiver per affons 2010 ein publicadas sin la pagina d'internet

www.disentis.ch sut Vischnaunca/Portret/Gallaria.

Bien divertiment cun contemplar tgei ch'ei tut curriu e passau uonn a Lai Alv!

Colonna d'agid Mustér

La Cadi enquera il pli bi graffiti – tia creatividad ei dumandada!

Mira sut Cadi.

Viadi da giuventetgna 2010 a Ponte Brolla TI

Mira sut Cadi.



Chor d'affons vischnaunca Sumvitg

Mira sut Sumvitg.

Ludoteca Mustér

Liug/Ort: Halla Cons, tel. 076 494 39 92
e-mail: ludoteca@disentis.ch

Uras d'avertura / Öffnungszeiten:

Gliendisdis/Montag: 18.30–20.00
Gievgia/Donnerstag: 16.00–17.30
Venderdis/Freitag: 18.30–20.00

Adatg!

Ils meins fenadur ed uost resta la ludoteca mintgamai serrada la gievgia.

Vies team dalla ludoteca

Biblioteca populara, Mustér

Liug: Casa da scola, tel. 081 947 52 90, biblioteca@disentis.ch

Sut www.disentis.ch ni www.bibliotecas-surselva.ch anfleis Vus nies entir catalog bibliotecar. Per e-mail saveis Vus reservar ina ni pliras medias ed enteifer 5 dis retrer ad emprest ellas en biblioteca populara.

La biblioteca ei aviarta il fenadur ed uost:

Gliendisdis/Montag 18.30–20.00
Venderdis/Freitag 18.30–20.00

Nies motto: Leger . . . tedlar . . . mirar . . . !
Nus selegrein da mintga viseta.

Biblioteca populara Mustér
